

Në Kamenicë nisin debatet me qytetarë për planifikimin e buxhetit komunal 2013-2015

Kamenica me investime të prekshme zhvillimore

"Procesi i planifikimit të buxhetit komunal, nëpërmjet pjesëmarrjes aktive të qytetarëve, ka një rëndësi të veçantë për një planifikim të drejtë dhe transparent të menaxhimit me paranë publike dhe realizimit të projekteve kapitale", ka thënë zyrtari i lartë finansiar, Naser Hashani

Nexhat BUZUKU

KAMENICE, 2 KORRIK - Drejtoria për Ekonomi, Buxhet e Financa e Komunës së Kamenicës, në mbështetje të Projektit Zvicër - Kosovë për qeverisje lokale dhe decentralizim LOGOS, organizon sot (e martë) debatin e parë publik me temë "Planifikimi i buxhetit komunal 2013-2015 për Komunën e Kamenicës". "Procesi i planifikimit të buxhetit komunal, nëpërmjet pjesëmarrjes aktive të qytetarëve, ka një rëndësi të veçantë për një planifikim të drejtë dhe transparent të menaxhimit me paranë publike

dhe realizimit të projekteve kapitale", ka thënë zyrtari i lartë finansiar, Naser Hashani.

Komuna e Kamenicës, e mbështetur nga LOGOS, procesin e planifikimit të buxhetit do ta bëjë nëpërmjet një komunikimi të drejtpërdrejtë me qytetarë, duke ua dhënë mundësinë atyre që në debate të përbashkëta të informohen për procesin e planifikimit buxhetor dhe t'i propozojnë projektet me interes publik që duhet të përfshihen në listën e projekteve për investime kapitale.

Pjesë e debateve të tilla, që pas Kamenicës do të jetë Rogaçica, janë përfaqësuesit e institucion-

eve komunale të Kamenicës, Kuvendit Komunal, përfaqësuesit e projektit LOGOS, partive politike, organizatave dhe shoqatave joqeveritare, punëtorë të arsimt, afaristë, artistë, fermerë, sportistë, përfaqësues të shoqatave të grave, media dhe qytetarë të tjera.

Kamenica edhe pse një komunë me buxhet të vogël, ka bërë investime shumë të rëndësishme në infrastrukturën rrugore, ndërtim e renovim shkolash, fasadime të objekteve publike, rregullim të shtetërvë të lumenjve "Kriva Reka", përrroi i Rubocit, që është duke u punuar këtyre ditëve etj.